



**Inatsisartut,
Mette Arge-Hammeken
Naleraq**

§ 37 naapertorlugu apeqputip nr. 238/2025-p akineqarnera

Asasara Mette Arge-Hammeken,

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaakka. Apeqqutit issuarneqartarput tamatumalu kingorna akineqarlutik. Apeqqutit Kalaallit Nunaanni Peqqinnissaqarfimmit paasissutissat tunngavigalugit akineqarput.

Ulloq: 13-01-2026
Suliap nr.: 2025 - 27163
Allakkiap nr.: 26092680

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

1. Qanga kingullermi Ittoqqortoormiuni isit nakorsaaqarpa?

Akissut:

Isinut nakorsamik Ittoqqortoormiinukartoqarneq ajortoq ilisimatitsissutigissavarput. Isinut nakorsatut ilinniarsimasunik Nuummumut imaluunniit sineriammi qitiusumik napparsimmavinnut peqqissaavinnullu annernut misissuiartortoqartarpoq. Nunatsinni isiluttut nammeneq ornigullutik nakorsiarnikkut Glostrupimiluunniit Rigshospitalimi isiluttunut immikkoortortaqaqfiup suleqataaffigisaanik qarasaasiatigut nakorsiartitsissutikkut misissortinnissamik neqeroorfigineqartarput. Tassa isilittut misissortinnissaminut Nuummi Dronning Ingridip Peqqissaaviani nakorsanit innersuunneqartarput.

2. Isit nakorsaat Ittoqqortoormiunut qaqugu tikiseqqinneqarniarpa?

Akissut:

Apeqput 1-imut akissut takuuk.

3. Ittoqqortoormiuni nakorsaqalernissaa anguniagaava?

Akissut:

Peqqissaaviit minnerit, soorlu Ittoqqortoormiini Peqqissaavik, Peqqinnissaqarfiup qitiusumik immikkoortuini sullissineq pillugu allakkiami allassimasut naapertorlugit aalajangersimasumik atorfilinnik nakorsaqanngillat. Peqqinnissaqarfiup qitiusumik immikkoortuini sullissineq pillugu allakkiaq tassaavoq politikkikkut akuerisaq kingulleq, nunattalu Peqqinnissaqarfiata neqeroorutai allakkiami tassani nassuiarneqarput. Allakkiaq taanna 2015-imi akuerineqarpoq.

Ilisimatitsissutigissavarputtaaq allakkiaq Peqqinnissaq pillugu
Ataatsimiititaliarsuup isumaliutissiissuteqarnerata peqqissutsimullu tunngatillugu

kingornatigut isumaqatigiissuteqarnerup malitsigisaanik
nalimmassarneqaleruttormat.

Allakkiaq maanna atuuttoq una toorlugu iserasuarfigineqarsinnaavoq:

[Peqqinnissaqarfiup qitiusumik immikkoortuani illit najukkanni peqqinnissakkut
sullissineq.](#)

Ittoqqortoormiini Peqqissaavik tassani sulisut Dronning Ingridip
Peqqissaavianilu nakorsat nalinginnaasumik nakorsaanermik immikkut
ilinniagallit atassuteqaqatigiittarnerisigut ingerlanneqarpoq, aamma
minnerusunik peqqissaaveqarfiusuni upalungaarsimasoqarnerani
napparsimaleriasaartoqartillugu oqaloqatigiittarput.

Taamatuttaaq nakorsanik immikkut ilinniarsimasunik Nuup avataani nunallu
immikkoortuisa qitiusumik napparsimmaviini atorfinitsitsiniarneq
ajornakusoortuusooq ilanngullugu ilisimatitsissutigissavarput.

**4. Qaqugu Ittoqqortoormiuni kigutit nakorsaat tikittarnera ukiumut
amerlineqarniarami?**

Akissut:

Kigutilerisumik qaammat ilivitsoq Ittoqqortoormiiniittussamik ukiumut ataasiarluni
tikittoqartarpoq, tamannalu inoqarfinnut Ittoqqortoormiitulli inuttussusilinnut
nalinginnaasuuvoq.

Kigutilerisunik nunatsinni atorfinitsitsiniarneq ataatsimut isigalugu
ajornakusoortoq, aammattaaq kigutilerisumik
Ittoqqortoormiinukartitsiniartarneq.

**5. Peqqinnissaqarfimmiit suut tulluuttut siunissami qaqugulu
pilarsaarutigaaasigit
Ittoqqortoormiunut?**

Akissut:

Peqqinnissaqarfiup qitiusumik immikkoortuini sullissineq pillugu allakkiaq
maanna atuuttoq Peqqinnissaqarfimmi ingerlatsinermut najoqqutarineqarpoq,
sumiiffiillu inuisa amerlassusaat tunngavigalugit peqqinnissakkut
sullinneqarnissamut neqeroorutigineqartussatut naatsorsuutigineqartut
suunersut allakkiami tassani allassimapput. Neqeroorutigineqartussatut
naatsorsuutigineqartut sulisoqarnikkut sulisussarsioarnikkullu inissisimaneq
apeqqutaalluni tunniunneqarsinnaasarput.

Naalakkersuisut Peqqinnissaqarfiup nunarput tamakkerlugu peqqinnissakkut
sullinneqarnissamut neqeroorutaanik nalinginnaasunik pitsanngorsaaniissamik
siunertaqarfiusumik peqqinnissamut tunngatillugu annertusisamik
isumaqatigiissuteqarnissaq sulissutigileruttorpaat.
Apeqqut 3-mut akissut aamma takuuk.

6. Nunatsinni inoqarfiit nakorsaqanngitsut sorliuppat?

Akissut:

Nakorsaqarnissaat qularnaarumallugu piffissami sivikitsuinnarmi sulisussanik atorfinitsitsisoqartarpoq, nakorsaqanngikkaangatalu qarasaasiakkut nakorsiartitsisoqartarluni.

Illoqarfiit uku aalajangersimasumik atorfilinnik nakorsaqarput:

Ilulissat – 1 immikkut ilisimasalik

Sisimiut – 2 immikkut ilisimasallit

Aasiaat - 1 immikkut ilisimasalik

Tasiilaq – 1 immikkut ilisimasalik

Qaqortoq – 1 immikkut ilisimasalik

Nuuk: Dronning Ingridip Peqqissaavia – 11 immikkut ilisimasallit

Illoqarfiit uku annerusunik peqqissaaveqarfiusut aalajangersimasumik atorfeqanngitsunik nakorsaqarput:

Qaanaaq

Upernavik

Uummannaq

Qasigiannuguit

Qeqertarsuaq

Maniitsoq

Paamiut

Narsaq

Nanortalik

Nakorsaq Peqqinnissaqarfimmi qaammatini aqqaneq-marlunnit ikinnerunngitsuni sulisimasoq aalajangersimasumik atorfilittut nalilerneqartarpoq.

7. Nunatsinni peqqinnissaqarfimmiit pisariaqartitsisut inoqarfiit sorliuppat?

Akissut:

Nunatsinni inoqarfinni tamani innuttaasut tamaviisa Peqqinnissaqarfiup neqeroorutai pisariaqartippaat. Peqqinnissaqarfik nunatta immikkoortuini tallimaasuni tamani immikkoortortaqarpoq.

Inuulluaqqusillunga



Anna Wangenheim

Peqqissutsimut inunnullu Innarluutilinnut Naalakkersuisoq